

DOGFENNAU SY'N MYND GYDA'R MESUR  
Caiff Nodiadau Esboniadol a Memorandwm Esboniadol eu hargraffu ar wahân.

Mesur Arfaethedig ynghylch Teithio gan  
Ddysgwyr (Cymru)  
(FEL Y'I CYFLWYNIR)

CYNNWYS

*Prif dermau*

1. Y prif dermau a ddefnyddir yn y Mesur hwn

*Trefniadau teithio i ddysgwyr*

2. Dyletswydd i asesu anghenion teithio dysgwyr
3. Dyletswydd awdurdod lleol i wneud trefniadau cludo
4. Dyletswydd awdurdod lleol i wneud trefniadau teithio eraill
5. Terfynau dyletswyddau sy'n ymwneud â theithio gan ddysgwyr
6. Pŵer awdurdodau lleol i wneud trefniadau teithio i ddysgwyr
7. Trefniadau teithio i ddysgwyr mewn addysg neu hyfforddiant ôl-16
8. Trefniadau teithio i fan lle y darperir addysg feithrin ac oddi yno
9. Trefniadau teithio i ddysgwyr a'r rheini'n drefniadau nad ydynt i ffafrio mathau penodol o addysg neu hyfforddiant

*Hybu mynediad i addysg cyfrwng Cymraeg*

10. Hybu mynediad i addysg a hyfforddiant drwy gyfrwng y Gymraeg

*Dulliau teithio cynaliadwy*

11. Dulliau teithio cynaliadwy

*Cod ymddygiad wrth deithio*

12. Cod ymddygiad wrth deithio
13. Gorfodi cod ymddygiad wrth deithio: disgyblion mewn ysgolion perthnasol
14. Gorfodi cod ymddygiad wrth deithio: tynnu'n ôl drefniadau teithio

*Atodol*

15. Canllawiau a chyfarwyddiadau

16. Gwybodaeth am drefniadau teithio
17. Cydweithredu: gwybodaeth neu gymorth arall
18. Talu costau teithio gan awdurdod lleol y mae plentyn yn derbyn gofal ganddo
19. Penderfynu ar breswylfa arferol mewn amgylchiadau penodol
20. Diwygiadau i adran 444 o Ddeddf Addysg 1996
21. Diwygiadau i Ddeddf Addysg 2002
22. Diwygiadau i adrannau 455 a 456 o Ddeddf Addysg 1996
23. Diwygiadau i Ddeddf Addysg ac Arolygiadau 2006

*Cyffredinol*

24. Dehongli cyffredinol
25. Mân ddiwygiadau a diwygiadau canlyniadol
26. Diddymiadau
27. Gorchmynion a rheoliadau
28. Cychwyn
29. Enw byr a chynnwys y Mesur yn y Deddfau Addysg

Atodlen 1 – Mân ddiwygiadau a diwygiadau canlyniadol

Atodlen 2 – Diddymiadau

# Mesur Arfaethedig ynghylch Teithio gan Ddysgwyr (Cymru)

(FEL Y'I CYFLWYNIR)

Mesur gan Gynulliad Cenedlaethol Cymru i wneud darpariaeth ynghylch teithio gan bersonau sy'n cael addysg gynradd, addysg uwchradd neu addysg bellach neu hyfforddiant i ysgolion neu i fannau eraill lle y maent yn cael addysg neu hyfforddiant, ac oddi yno; ac at ddibenion cysylltiedig.

- 5 Mae'r Mesur hwn, a basiwyd gan Gynulliad Cenedlaethol Cymru ar [ ] ac a gymeradwywyd gan Ei Mawrhydi yn Ei Chyngor ar [ ], yn deddfu'r darpariaethau a ganlyn:-

## *Prif dermau*

### **1 Y prif dermau a ddefnyddir yn y Mesur hwn**

- 10 (1) Mae'r adran hon yn gymwys at ddibenion y Mesur hwn.
- (2) Trefniadau teithio, ni waeth beth fo'r disgrifiad ohonynt, yw "trefniadau teithio" ac maent yn cynnwys –
- 15 (a) darparu cludiant;
- (b) darparu un person neu fwy i hebrwng plentyn pan fydd yn teithio;
- (c) talu'r cyfan neu unrhyw ran o dreuliau teithio rhesymol person;
- (d) talu lwfansau mewn cysylltiad â defnyddio dulliau teithio penodol.
- (3) Ystyr "dysgwyr" yw personau sy'n cael addysg neu hyfforddiant.
- (4) Mae "mannau perthnasol" fel a ganlyn –
- 20 (a) ysgolion a gynhelir;
- (b) sefydliadau yn y sector addysg bellach;
- (c) ysgolion annibynnol a enwir mewn datganiadau a gedwir o dan adran 324 o Ddeddf Addysg 1996 (p.56);
- (d) ysgolion arbennig nas cynhelir;
- (e) unedau cyfeirio disgyblion;
- 25 (f) manau ac eithrio unedau cyfeirio disgyblion lle y trefnir addysg o dan adran 19(1) o Ddeddf Addysg 1996;
- (g) manau lle y darperir addysg neu hyfforddiant a gyllidir gan Weinidogion Cymru o dan adran 34(1) o Ddeddf Dysgu a Medrau 2000 (p.21);

- (h) sefydliadau lle y sicrhawyd addysg a hyfforddiant a llety byrddio gan Weinidogion Cymru o dan adran 41 o Ddeddf Dysgu a Medrau 2000;
- (i) mannau lle y darperir addysg feithrin –
- (i) gan awdurdod lleol, neu
- (ii) gan unrhyw berson arall sy'n cael cymorth ariannol a roddir gan awdurdod lleol o dan drefniadau a wneir gan awdurdod lleol yn unol â'r ddyletswydd a osodir gan adran 118 o Ddeddf Safonau a Fframwaith Ysgolion 1998 (p.31);
- (j) mannau lle yr ymgymerir â phrofiad gwaith.

10

*Trefniadau teithio i ddysgwyr***2 Dyletswydd i asesu anghenion teithio dysgwyr**

- (1) Mae'r adran hon yn gymwys mewn perthynas â –
- (a) dysgwyr nad ydynt eto'n 19 oed;
- (b) dysgwyr sydd wedi cyrraedd 19 oed ac sydd wedi cychwyn ar gwrs addysg neu hyfforddiant cyn cyrraedd yr oedran hwnnw ac sy'n parhau i fynychu'r cwrs hwnnw;
- (c) y cyfryw ddysgwyr eraill ag a ragnodir.
- (2) Ym mhob blwyddyn academiaidd, rhaid i awdurdod lleol asesu anghenion teithio dysgwyr ei ardal ar gyfer y flwyddyn academiaidd ganlynol. Ond mae'r ddyletswydd hon yn ddarostyngedig i ddarpariaethau adran 5.
- (3) At ddibenion is-adran (2), anghenion dysgwyr sy'n preswyllo fel arfer yn ardal yr awdurdod am gael trefniadau teithio addas bob dydd i'r mannau perthnasol lle y maent yn cael addysg neu hyfforddiant ac oddi yno yw "anghenion teithio dysgwyr" ardal awdurdod lleol.
- (4) Wrth wneud asesiad o dan is-adran (2) rhaid i awdurdod lleol roi sylw yn benodol i –
- (a) anghenion dysgwyr sy'n bersonau anabl,
- (b) anghenion dysgwyr a chanddynt anawsterau dysgu,
- (c) anghenion dysgwyr sy'n blant ac sy'n derbyn gofal, neu a fu gynt yn derbyn gofal, gan awdurdod lleol,
- (d) oed dysgwyr, a
- (e) natur y ffyrdd y gellid yn rhesymol ddisgwyl i ddysgwyr eu dilyn i'r mannau perthnasol lle y maent yn cael addysg neu hyfforddiant.

**3 Dyletswydd awdurdod lleol i wneud trefniadau cludo**

- (1) Mae'r adran hon yn gymwys mewn perthynas â phlentyn o oedran ysgol gorfodol—
- (a) os yw'r plentyn yn preswyllo fel arfer mewn ardal awdurdod lleol,
  - (b) os yw'r amgylchiadau a nodir mewn cofnod yng ngholofn 1 y tabl canlynol yn gymwys i'r plentyn, ac
  - (c) os bodlonir yr amod, neu'r holl amodau, a nodir yn y cofnod cyfatebol yng ngholofn 2 y tabl mewn perthynas â'r plentyn.
- (2) Rhaid i'r awdurdod lleol wneud trefniadau cludo addas i hwyluso'r ffordd i'r plentyn fynychu bob dydd y manau perthnasol lle y mae'r plentyn yn cael addysg neu hyfforddiant. Ond mae'r ddyletswydd hon yn ddarostyngedig i ddarpariaethau adran 5.

**TABL**

<b>Colofn 1 Amgylchiadau</b>	<b>Colofn 2 Amod(au)</b>
<p>Mae'r plentyn yn cael addysg gynradd mewn—</p> <ul style="list-style-type: none"> <li>(a) ysgol a gynhelir,</li> <li>(b) uned cyfeirio disgyblion,</li> <li>(c) ysgol annibynnol a enwir mewn datganiad a gedwir mewn cysylltiad â'r plentyn o dan adran 324 o Ddeddf Addysg 1996, neu</li> <li>(d) ysgol arbennig nas cynhelir,</li> </ul> <p>lle y mae'r plentyn yn ddisgybl cofrestredig.</p>	<ul style="list-style-type: none"> <li>(a) Mae'r plentyn yn preswyllo fel arfer mewn man sydd 2 filltir (3.218688 o gilometrau) neu fwy o'r ysgol neu'r uned.</li> <li>(b) Nid oes trefniadau wedi eu gwneud gan yr awdurdod lleol i alluogi'r plentyn i ddod yn ddisgybl cofrestredig mewn— <ul style="list-style-type: none"> <li>(i) ysgol a gynhelir sy'n ysgol addas,</li> <li>(ii) uned cyfeirio disgyblion sy'n uned addas,</li> <li>(iii) ysgol annibynnol a enwir mewn datganiad a gedwir mewn cysylltiad â'r plentyn o dan adran 324 o Ddeddf Addysg 1996, neu</li> <li>(iv) ysgol arbennig nas cynhelir sy'n ysgol addas,</li> </ul> <p>ac sy'n nes at y man lle y mae'r plentyn yn preswyllo fel arfer.</p> </li> <li>(c) Nid oes trefniadau wedi eu gwneud gan yr awdurdod lleol ar gyfer llety byrddio addas i'r plentyn yn yr ysgol neu'r uned neu'n agos at yr ysgol neu'r uned.</li> </ul>
<p>Mae'r plentyn yn cael addysg uwchradd mewn—</p> <ul style="list-style-type: none"> <li>(a) ysgol a gynhelir,</li> </ul>	<ul style="list-style-type: none"> <li>(a) Mae'r plentyn yn preswyllo fel arfer mewn man sydd 3 milltir (4.828032 o gilometrau) neu fwy o'r ysgol neu'r uned.</li> </ul>

<p>5</p> <p>10</p> <p>15</p> <p>20</p>	<p>(b) uned cyfeirio disgyblion,  (c) ysgol annibynnol a enwir mewn datganiad a gedwir mewn cysylltiad â'r plentyn o dan adran 324 o Ddeddf Addysg 1996, neu  (d) ysgol arbennig nas cynhelir, lle y mae'r plentyn yn ddisgybl cofrestredig.</p>	<p>(b) Nid oes trefniadau wedi eu gwneud gan yr awdurdod lleol i alluogi'r plentyn i ddod yn ddisgybl cofrestredig mewn—  (i) ysgol a gynhelir sy'n ysgol addas,  (ii) uned cyfeirio disgyblion sy'n uned addas,  (iii) ysgol annibynnol a enwir mewn datganiad a gedwir mewn cysylltiad â'r plentyn o dan adran 324 o Ddeddf Addysg 1996, neu  (iv) ysgol arbennig nas cynhelir sy'n ysgol addas,  ac sy'n nes at y man lle y mae'r plentyn yn preswyllo fel arfer.  (c) Nid oes trefniadau wedi eu gwneud gan yr awdurdod lleol ar gyfer llety byrddio addas i'r plentyn yn yr ysgol neu'r uned neu'n agos at yr ysgol neu'r uned.</p>
<p>25</p> <p>30</p>	<p>Mae'r plentyn yn cael addysg neu hyfforddiant mewn sefydliad yn y sector addysg bellach lle y mae'r plentyn wedi ymrestru fel myfyriwr llawnamser.</p>	<p>(a) Mae'r plentyn yn preswyllo fel arfer mewn man sydd 3 milltir (4.828032 o gilometrau) neu fwy o'r sefydliad.  (b) Nid oes trefniadau wedi eu gwneud gan yr awdurdod lleol i alluogi'r plentyn i ymrestru mewn sefydliad addas sy'n nes at y man lle y mae'r plentyn yn preswyllo fel arfer.</p>
<p>35</p> <p>40</p> <p>45</p>	<p>Mae'r plentyn—  (a) yn ddisgybl cofrestredig mewn ysgol a gynhelir, ac  (b) yn cael addysg uwchradd mewn man perthnasol ac eithrio'r ysgol honno.  Addysg sydd wedi ei threfnu gan y canlynol yw'r addysg uwchradd y cyfeirir ati ym mharagraff (b)—  (i) gan yr awdurdod lleol, neu  (ii) gan gorff llywodraethu yr ysgol lle y mae'r plentyn yn ddisgybl cofrestredig, neu ar ran y corff llywodraethu.</p>	<p>Mae'r plentyn yn preswyllo fel arfer mewn man sydd 3 milltir (4.828032 o gilometrau) neu fwy o'r man perthnasol.</p>
<p>50</p>	<p>Mae'r plentyn yn derbyn gofal gan awdurdod lleol ac mae'n cael addysg gynradd mewn—  (a) ysgol a gynhelir,  (b) uned cyfeirio disgyblion,</p>	<p>Mae'r plentyn yn preswyllo fel arfer mewn man sydd 2 filltir (3.218688 o gilometrau) neu fwy o'r ysgol neu'r uned.</p>

5	<p>(c) ysgol annibynnol a enwir mewn datganiad a gedwir mewn cysylltiad â'r plentyn o dan adran 324 o Ddeddf Addysg 1996, neu</p> <p>(d) ysgol arbennig nas cynhelir, lle y mae'r plentyn yn ddisgybl cofrestredig.</p>	
10	<p>Mae'r plentyn yn derbyn gofal gan awdurdod lleol ac mae'n cael addysg uwchradd mewn—</p> <p>(a) ysgol a gynhelir,</p> <p>(b) uned cyfeirio disgyblion,</p>	<p>Mae'r plentyn fel arfer yn preswyllo mewn man sydd 3 milltir (4.828032 o gilometrau) neu fwy o'r ysgol neu'r uned.</p>
15	<p>(c) ysgol annibynnol a enwir mewn datganiad a gedwir mewn cysylltiad â'r plentyn o dan adran 324 o Ddeddf Addysg 1996, neu</p>	
20	<p>(d) ysgol arbennig nas cynhelir, lle y mae'r plentyn yn ddisgybl cofrestredig.</p>	

- (3) Rhaid i'r awdurdod lleol beidio â chodi tâl ar blentyn neu riant sy'n unigolyn am unrhyw drefniadau cludo a wneir yn unol â'r adran hon.
- (4) Caiff trefniadau cludo a wneir yn unol â'r adran hon gynnwys—
- (a) darparu cludiant;
- (b) talu'r cyfan, ond nid rhan, o dreuliau cludo plentyn.
- (5) At ddibenion is-adran (2), nid yw trefniadau cludo'n addas—
- (a) os ydynt yn peri lefelau afresymol o straen i'r plentyn,
- (b) os ydynt yn cymryd amser afresymol o hir, neu
- (c) os nad ydynt yn ddiogel.
- (6) At ddibenion pob paragraff (b) yn ail golofn y tabl yn yr adran hon, mae'r ysgol, yr uned neu'r sefydliad yn addas i'r plentyn os yw'r addysg neu'r hyfforddiant a ddarperir yno yn addas, o ystyried oed, gallu a doniau'r plentyn ac unrhyw anawsterau dysgu a all fod ganddo.
- (7) Mae'r pellteroedd a grybwyllir yng ngholofn 2 y tabl yn yr adran hon i'w mesur ar hyd y ffordd fyrraf sydd ar gael
- (8) Mae ffordd "ar gael" at ddibenion is-adran (7)—
- (a) os yw'n ddiogel i blentyn heb anabled neu anhawster dysgu gerdded y ffordd ar ei ben ei hun, neu
- (b) os yw'n ddiogel i'r cyfryw blentyn gerdded y ffordd gyda hebryngwr, pe byddai oed y plentyn yn galw am ddarparu hebryngwr.

- (9) Caiff rheoliadau bennu amgylchiadau ac amodau at ddibenion adrannau (1)(b) ac (c); caiff y cyfryw reoliadau ddiwygio'r tabl neu ddiwygio is-adrannau (6), (7) ac (8) (gan gynnwys diddymu cofnod yn y tabl neu yn yr is-adrannau hynny).

#### 4 Dyletswydd awdurdod lleol i wneud trefniadau teithio eraill

- 5 (1) Mae'r adran hon yn gymwys mewn perthynas â phlentyn o oedran ysgol gorfodol –
- (a) os yw'r plentyn yn cael addysg neu hyfforddiant mewn man perthnasol,
- (b) os yw'r plentyn yn preswyllo fel arfer mewn ardal awdurdod lleol, ac
- 10 (c) os yw'r awdurdod lleol o'r farn bod angen trefniadau teithio er mwyn hwyluso'r ffordd i'r plentyn fynychu bob dydd y man perthnasol lle y mae'r plentyn yn cael addysg neu hyfforddiant.
- (2) Rhaid i'r awdurdod lleol wneud trefniadau teithio addas i hwyluso'r ffordd i'r plentyn fynychu bob dydd y manau perthnasol lle y mae'r plentyn yn cael addysg neu hyfforddiant. Ond mae'r ddyletswydd hon yn ddarostyngedig i
- 15 ddarpariaethau adran 5.
- (3) Rhaid i awdurdod lleol beidio â chodi tâl ar blentyn neu riant sy'n unigolyn am unrhyw drefniadau teithio a wneir yn unol ag is-adran (2).
- (4) Caiff trefniadau teithio a wneir yn unol ag is-adran (2) gynnwys talu'r cyfan, ond nid rhan, o dreuliau teithio plentyn.
- 20 (5) Wrth ystyried a yw trefniadau teithio yn addas at ddibenion yr adran hon, rhaid i awdurdod lleol roi sylw'n benodol –
- (a) i'r asesiad a wneir ganddo yn unol ag adran 2(2);
- (b) i'r trefniadau cludo y mae dyletswydd arno i'w gwneud ar gyfer y plentyn o dan adran 3;
- 25 (c) i oed y plentyn;
- (d) i unrhyw anabledd neu anhawster dysgu sydd gan y plentyn;
- (e) i natur y ffyrdd y gellid yn rhesymol ddisgwyl i'r plentyn eu dilyn.
- (6) At ddibenion yr adran hon nid yw trefniadau teithio'n addas –
- (a) os ydynt yn peri lefelau afresymol o straen i'r plentyn,
- 30 (b) os ydynt yn cymryd amser afresymol o hir, neu
- (c) os nad ydynt yn ddiogel.
- (7) Wrth ystyried a yw trefniadau teithio'n angenrheidiol at ddibenion yr adran hon –
- (a) rhaid i awdurdod lleol roi sylw'n benodol i'r materion a bennir yn is-adran (5);
- 35 (b) caiff awdurdod lleol roi sylw'n benodol i ba un a yw'r plentyn yn mynychu'r man perthnasol addas agosaf at fan preswyl arferol y plentyn ai peidio.
- (8) Mae is-adran (7)(b) yn gymwys –
- (a) os nad yw'r plentyn yn derbyn gofal gan awdurdod lleol, a



- (b) os yw trefniadau wedi eu gwneud gan yr awdurdod lleol i alluogi'r plentyn i fynychu man perthnasol addas sy'n nes at fan preswyl arferol y plentyn.
- (9) At ddibenion yr adran hon, mae man perthnasol yn addas i blentyn os yw'r addysg neu'r hyfforddiant a ddarperir yno yn addas, o ystyried oed, gallu a doniau'r plentyn ac unrhyw anawsterau dysgu a all fod ganddo.

## 5 Terfynau dyletswyddau sy'n ymwneud â theithio gan ddysgwyr

Nid yw adran 2 yn ei gwneud yn ofynnol i asesu anghenion teithio dysgwyr ac nid yw adrannau 3 a 4 yn ei gwneud yn ofynnol i wneud trefniadau teithio –

- (a) er mwyn i ddysgwyr deithio yn ystod y dydd rhwng manau perthnasol neu rhwng gwahanol safleoedd yr un sefydliad, neu
- (b) at unrhyw ddiben ac eithrio mynychu man perthnasol i gael addysg neu hyfforddiant.

## 6 Pŵer awdurdodau lleol i wneud trefniadau teithio i ddysgwyr

- (1) Mae'r adran hon yn gymwys mewn perthynas â dysgwr –
- (a) os yw'r dysgwr yn preswyl fel arfer yn ardal yr awdurdod lleol, neu
- (b) os yw'r dysgwr yn cael addysg neu hyfforddiant yn ardal yr awdurdod lleol.
- (2) Caiff yr awdurdod lleol wneud trefniadau teithio i hwyluso'r ffordd i'r dysgwr fynychu man lle y mae'r person hwnnw'n cael addysg neu hyfforddiant.
- (3) Caiff awdurdod lleol godi tâl am drefniadau teithio a wneir o dan yr adran hon ar gyfer disgyblion cofrestredig o oedran ysgol gorfodol yn unol â darpariaethau adrannau 455 a 456 o Ddeddf Addysg 1996.
- (4) Caiff awdurdod lleol godi tâl am drefniadau teithio a wneir o dan yr adran hon ar gyfer dysgwyr eraill.

## 7 Trefniadau teithio i ddysgwyr mewn addysg neu hyfforddiant ôl-16

- (1) Mae'r adran hon yn gymwys mewn perthynas â dysgwyr sy'n preswyl fel arfer yng Nghymru a'r rheini –
- (a) yn ddysgwyr –
- (i) sydd dros oedran ysgol gorfodol ond heb fod eto'n 19 oed, neu
- (ii) sydd wedi cyrraedd 19 oed ac wedi cychwyn ar gwrs addysg neu hyfforddiant penodol cyn cyrraedd yr oedran hwnnw ac sy'n parhau i fynychu'r cwrs hwnnw; a
- (b) yn ddysgwyr sy'n cael addysg neu hyfforddiant –
- (i) mewn man yng Nghymru, neu
- (ii) a gyllidir gan Weinidogion Cymru mewn man y tu allan i Gymru.
- (2) Caiff rheoliadau wneud darpariaeth ynghylch trefniadau teithio i ddysgwyr i'r manau lle y maent yn cael addysg neu hyfforddiant ac oddi yno.

## (3) Caiff y rheoliadau yn benodol –

(a) rhoi pwerau i'r canlynol neu osod dyletswyddau arnynt –

(i) Gweinidogion Cymru;

(ii) awdurdodau lleol;

(iii) sefydliadau yn y sector addysg bellach;

(b) pennu'r mathau o fan y caniateir, neu y mae'n rhaid, gwneud trefniadau teithio i fynd yno ac oddi yno;

(c) pennu'r trefniadau teithio y caniateir, neu y mae'n rhaid, eu gwneud;

(d) pennu'r materion y mae'n rhaid rhoi ystyriaeth iddynt wrth wneud penderfyniadau am drefniadau teithio;

(e) gwneud darpariaeth ynghylch codi tâl;

(f) ei gwneud yn ofynnol i unrhyw berson roi unrhyw wybodaeth neu gymorth arall y mae'n rhesymol bod ei hangen neu ei angen ar unrhyw berson arall mewn cysylltiad â chyflawni swyddogaethau'r person arall o dan y rheoliadau;

(g) gwneud darpariaeth ynghylch y safonau ymddygiad y mae'n ofynnol i ddysgwyr eu harddel tra byddant yn teithio i'r manau lle y maent yn cael addysg neu hyfforddiant neu o'r manau hynny.

**8 Trefniadau teithio i fan lle y darperir addysg feithrin ac oddi yno**

(1) Caiff rheoliadau wneud darpariaeth ynghylch trefniadau teithio i blant o dan oedran ysgol gorfodol i'r manau lle y maent yn cael addysg feithrin ac oddi yno.

## (2) Caiff y rheoliadau'n benodol –

(a) ei gwneud yn ofynnol i awdurdod lleol wneud trefniadau teithio;

(b) caniatáu i awdurdod lleol wneud trefniadau teithio;

(c) pennu'r mathau o fan y caniateir gwneud, neu y mae'n rhaid gwneud, trefniadau teithio yno ac oddi yno;

(d) pennu'r trefniadau teithio y caniateir, neu y mae'n rhaid, eu gwneud;

(e) pennu'r materion y mae'n rhaid eu hystyried wrth wneud penderfyniadau am drefniadau teithio;

(f) gwneud darpariaeth ynghylch codi tâl;

(g) ei gwneud yn ofynnol i unrhyw berson roi unrhyw wybodaeth neu gymorth arall y mae'n rhesymol bod ei hangen neu ei angen ar yr awdurdod lleol mewn cysylltiad â chyflawni swyddogaethau'r awdurdod o dan y rheoliadau.

**9 Trefniadau teithio i ddysgwyr a'r rheini'n drefniadau nad ydynt i ffafrio mathau penodol o addysg neu hyfforddiant**

- (1) Mae'r adran hon yn gymwys os gwneir trefniadau o dan adran 3, adran 4 neu adran 6 mewn cysylltiad â dysgwyr o fath a ddisgrifir mewn cofnod yng ngholofn 1 y tabl a ganlyn.
- (2) Rhaid gwneud trefniadau hefyd yn unol â'r adrannau hynny mewn cysylltiad â'r dysgwyr o fath a ddisgrifir yn y cofnod cyfatebol yng ngholofn 2 y tabl.
- (3) Rhaid i'r trefniadau y cyfeirir atynt yn is-adran (2) beidio â bod yn llai ffafriol na'r trefniadau y cyfeirir atynt yn is-adran (1).

TABL

Colofn 1	Colofn 2
Plant o oedran ysgol gorfodol sy'n cael addysg neu hyfforddiant mewn ysgolion a gynhelir.	Plant yr un oed sy'n cael addysg neu hyfforddiant mewn mannau perthnasol eraill.
Dysgwyr sydd dros yr oedran ysgol gorfodol ac sy'n cael addysg llawnamser neu hyfforddiant llawnamser mewn ysgolion a gynhelir.	Dysgwyr yr un oed sy'n cael addysg llawnamser neu hyfforddiant llawnamser mewn mannau perthnasol eraill.
Dysgwyr a chanddynt anawsterau dysgu sy'n cael addysg neu hyfforddiant mewn ysgolion a gynhelir.	Dysgwyr yr un oed a chanddynt anawsterau dysgu sy'n cael addysg neu hyfforddiant mewn mannau perthnasol eraill.
Dysgwyr a chanddynt anabledd sy'n cael addysg neu hyfforddiant mewn ysgolion a gynhelir.	Dysgwyr yr un oed a chanddynt anabledd sy'n cael addysg neu hyfforddiant mewn mannau perthnasol eraill.
Plant sy'n derbyn gofal gan awdurdod lleol ac sy'n cael addysg neu hyfforddiant mewn ysgolion a gynhelir.	Plant yr un oed sy'n derbyn gofal gan awdurdod lleol ac sy'n cael addysg neu hyfforddiant mewn mannau perthnasol eraill.

*Hybu mynediad i addysg cyfrwng Cymraeg***10 Hybu mynediad i addysg a hyfforddiant drwy gyfrwng y Gymraeg**

Rhaid i bob awdurdod lleol a Gweinidogion Cymru hybu mynediad i addysg a hyfforddiant drwy gyfrwng y Gymraeg pan fyddant yn arfer swyddogaethau o dan y Mesur hwn.

*Dulliau teithio cynaliadwy***11 Dulliau teithio cynaliadwy**

- (1) Rhaid i bob awdurdod lleol a Gweinidogion Cymru hybu'r defnydd o ddulliau teithio cynaliadwy pan fyddant yn arfer swyddogaethau o dan y Mesur hwn.
- 5 (2) Dulliau teithio yw “dulliau teithio cynaliadwy” y mae'r awdurdod neu Weinidogion Cymru (yn ôl y digwydd) o'r farn eu bod yn ddulliau a all wella'r naill beth a ganlyn neu'r llall neu'r naill beth a ganlyn a'r llall sef –
- (a) llesiant corfforol y rhai sy'n eu defnyddio;
- (b) llesiant amgylchedd –
- 10 (i) ardal gyfan yr awdurdod lleol neu ran ohoni, yn achos awdurdod, neu
- (ii) Cymru gyfan neu ran ohoni, yn achos Gweinidogion Cymru.

*Cod ymddygiad wrth deithio***12 Cod ymddygiad wrth deithio**

- (1) Rhaid i Weinidogion Cymru lunio cod ymddygiad wrth deithio.
- 15 (2) Cod yw cod ymddygiad wrth deithio sy'n nodi'r safonau ymddygiad y mae'n ofynnol i ddysgwyr y mae is-adran (3) yn gymwys iddynt eu harddel tra byddant yn teithio i'r manau perthnasol lle y maent yn cael addysg neu hyfforddiant ac oddi yno (pa un a ydynt yn manteisio ar drefniadau teithio a wneir gan awdurdod lleol ai peidio).
- 20 (3) Mae'r is-adran hon yn gymwys –
- (a) i ddysgwyr nad ydynt eto'n 19 oed;
- (b) i ddysgwr sydd wedi cyrraedd 19 oed ac wedi cychwyn ar gwrs addysg neu hyfforddiant cyn cyrraedd yr oedran hwnnw ac sy'n parhau i fynychu'r cwrs hwnnw;
- 25 (c) y cyfryw ddysgwyr eraill ag a ragnodir.
- (4) O bryd i'w gilydd, rhaid i Weinidogion Cymru adolygu'r cod ymddygiad wrth deithio.
- (5) Rhaid i Weinidogion Cymru gyhoeddi'r cod.
- (6) Cyn llunio cod neu ei adolygu rhaid i Weinidogion Cymru ymgynghori â'r cyfryw bersonau ag y maent o'r farn eu bod yn briodol.
- 30

**13 Gorfodi cod ymddygiad wrth deithio: disgyblion mewn ysgolion perthnasol**

- (1) Diwygir adran 89 o Ddeddf Addysg ac Arolygiadau 2006 fel a ganlyn.
- (2) Yn is-adran (2), ar ôl “The head teacher” mewnosoder “of a relevant school in England”.

(3) Ar ôl is-adran (2) mewnosoder –

“(2A) The head teacher of a relevant school in Wales must in determining such measures –

(a) act in accordance with the current statement made by the governing body under section 88(2)(a),

(b) have regard to any notification or guidance given to him under section 88(2)(b), and

(c) require pupils at the school to comply with the travel behaviour code made by the Welsh Ministers under section 12 of the Learner Travel (Wales) Measure 2008.”

(4) Yn is-adran (3) yn lle “The” rhodder “In relation to a relevant school in England, the”.

(5) Ar ôl is-adran (3) mewnosoder –

“(3A) In relation to a relevant school in Wales, the standard of behaviour which is to be regarded as acceptable must be determined by the head teacher, so far as it is not determined by –

(a) the governing body, or

(b) the Welsh Ministers.”

(6) Yn is-adran (5), ar ôl “head teacher” mewnosoder “of a relevant school in England”.

(7) Ar ôl is-adran (5) mewnosoder –

“(5A) The measures which the head teacher of a relevant school in Wales determines under subsection (1) may, to such extent as is reasonable and not required by subsection (2A)(c), include measures to be taken with a view to regulating the conduct of pupils at a time when they are not on the premises of the school and are not under the lawful control or charge of a member of the staff of the school.”

#### 14 Gorfodi cod ymddygiad wrth deithio: tynnu'n ôl drefniadau teithio

(1) Mae'r adran hon yn gymwys i ddysgwyr y gwneir trefniadau teithio ar eu cyfer o dan adran 3 neu 4.

(2) Caiff yr awdurdod lleol dynnu'n ôl drefniadau teithio a wnaed ar gyfer dysgwr –

(a) os yw'r awdurdod yn fodlon bod y dysgwr wedi methu â chydymffurfio â'r cod ymddygiad wrth deithio a wnaed o dan adran 12, a

(b) os bodlonir yr amodau canlynol sy'n gymwys i'r dysgwr.

(3) Mae'r chwe amod canlynol i gyd yn gymwys i unrhyw ddysgwr sy'n ddisgybl cofrestredig mewn ysgol berthnasol.

(4) Mae'r cyntaf, y trydydd a'r pedwerydd o'r amodau canlynol yn gymwys i unrhyw ddysgwr nad yw'n ddisgybl cofrestredig mewn ysgol berthnasol.

- (5) Yr amod cyntaf yw, cyn i unrhyw benderfyniad gael ei wneud i dynnu'n ôl drefniadau teithio –
- (a) bod cyfle'n cael ei roi i'r dysgwr ac i riant y dysgwr i wneud sylwadau, a
  - (b) bod yr awdurdod lleol yn ystyried y sylwadau hynny.
- 5 (6) Yr ail amod yw –
- (a) yr ymgynghorir â phennaeth yr ysgol berthnasol lle y mae'r dysgwr yn ddisgybl cofrestredig ynghylch y penderfyniad i dynnu'n ôl drefniadau teithio; a
  - (b) yr hysbysir pennaeth yr ysgol berthnasol lle y mae'r dysgwr yn ddisgybl cofrestredig o'r penderfyniad o leiaf 24 awr cyn bydd tynnu'n ôl y trefniadau yn dod yn effeithiol.
- 10 (7) Y trydydd amod yw bod y penderfyniad i dynnu'n ôl drefniadau teithio yn rhesymol o dan yr amgylchiadau.
- (8) Y pedwerydd amod yw bod yr awdurdod lleol yn hysbysu rhiant y dysgwr, o leiaf 15 24 awr cyn i dynnu'n ôl y trefniadau ddod yn effeithiol, bod y trefniadau teithio'n cael eu tynnu'n ôl.
- (9) Y pumed amod yw nad yw'r cyfnod pan yw'r trefniadau wedi eu tynnu'n ôl yn fwy na 10 niwrnod ysgol dilynol.
- 20 (10) Y chweched amod yw na fyddai'r cyfnod pan yw'r trefniadau wedi eu tynnu'n ôl yn arwain at dynnu'n ôl drefniadau teithio oddi wrth y dysgwr am fwy na 30 o ddiwrnodau ysgol yn y flwyddyn ysgol y mae tynnu'n ôl y trefniadau yn dod yn effeithiol ynddi.
- (11) Wrth benderfynu a yw penderfyniad i dynnu'n ôl drefniadau teithio yn rhesymol at 25 ddibenion is-adran (7), rhaid ystyried yn benodol y materion canlynol –
- (a) a yw'r cyfnod pan yw'r trefniadau wedi eu tynnu'n ôl yn gymesur ag amgylchiadau'r achos,
  - (b) unrhyw amgylchiadau arbennig sy'n berthnasol i dynnu'n ôl drefniadau teithio ac sy'n hysbys i'r awdurdod lleol (neu y dylai'r awdurdod lleol fod yn ymwybodol ohonynt) gan gynnwys yn arbennig –
- 30 (i) oed y dysgwr,
- (ii) unrhyw anghenion addysgol arbennig a all fod gan y dysgwr,
- (iii) unrhyw anabled a all fod gan y dysgwr,
- (iv) a fyddai'r dysgwr yn colli cyfle i sefyll arholiad cyhoeddus, a
- 35 (v) a all rhiant y dysgwr yn rhesymol wneud trefniadau teithio amgen sy'n rhai addas.
- (12) Rhaid i hysbysiad o dan is-adran (6) neu is-adran (8) fod yn ysgrifenedig a rhaid iddo nodi'n benodol –
- (a) y cyfnod pan yw trefniadau teithio wedi eu tynnu'n ôl, a
  - (b) rhesymau'r awdurdod dros dynnu'n ôl y trefniadau teithio.

- (13) At ddibenion yr adran hon ac adran 17, ystyr “ysgol berthnasol” yw –
- (a) ysgol a gynhelir,
  - (b) uned cyfeirio disgyblion, neu
  - (c) ysgol arbennig nas cynhelir.

5

*Atodol***15 Canllawiau a chyfarwyddiadau**

- (1) Wrth arfer eu swyddogaethau o dan y Mesur hwn, rhaid i'r cyrff canlynol roi sylw i ganllawiau a roddir gan Weinidogion Cymru –
- (a) awdurdodau lleol;
  - 10 (b) cyrff llywodraethu ysgolion a gynhelir;
  - (c) cyrff llywodraethu sefydliadau yn y sector addysg bellach.
- (2) Rhaid i awdurdod lleol wneud y cyfryw drefniadau teithio i ddysgwyr o dan adran 3, adran 4 neu adran 6 ag y mae Gweinidogion Cymru yn ei gyfarwyddo i'w gwneud.
- 15 (3) Wrth wneud trefniadau o dan adran 3, adran 4 neu adran 6 rhaid i awdurdod lleol gydymffurfio ag unrhyw gyfarwyddiadau a roddir gan Weinidogion Cymru.
- (4) Caniateir i gyfarwyddiadau o dan yr adran hon gael eu rhoi i un awdurdod lleol neu fwy neu i awdurdodau lleol yn gyffredinol.

**16 Gwybodaeth am drefniadau teithio**

- 20 Caiff rheoliadau ei gwneud yn ofynnol i awdurdod lleol gyhoeddi, ar y cyfryw adegau ac yn y cyfryw fodd ag a ragnodir, wybodaeth –
- (a) a ddaw i law wrth wneud asesiadau o dan adran 2(2);
  - (b) am asesiadau a wneir o dan yr adran honno;
  - (c) am y trefniadau teithio a wneir o dan y Mesur hwn;

25 (d) am y cod ymddygiad wrth deithio a wneir o dan adran 12.

**17 Cydweithredu: gwybodaeth a chymorth arall**

- (1) Rhaid i gorff llywodraethu ysgol a gynhelir neu sefydliad yn y sector addysg bellach yng Nghymru roi i awdurdod lleol unrhyw wybodaeth neu gymorth arall y mae'n rhesymol bod ar awdurdod lleol ei hangen neu ei angen er mwyn iddo gyflawni ei swyddogaethau o dan y Mesur hwn.
- 30 (2) Rhaid i awdurdod lleol roi i awdurdod lleol arall unrhyw wybodaeth neu gymorth arall y mae'n rhesymol bod ar awdurdod lleol arall ei hangen neu ei angen er mwyn iddo gyflawni ei swyddogaethau o dan adrannau 2, 3, 4 a 6.

(3) Rhaid i awdurdod lleol roi i bennaeth ysgol berthnasol unrhyw wybodaeth neu gymorth arall y mae'n rhesymol bod ar bennaeth ei hangen neu ei angen ynghylch ymddygiad disgybl cofrestredig yn ei ysgol tra oedd y disgybl yn manteisio ar drefniadau teithio a wnaed gan yr awdurdod lleol o dan y Mesur hwn.

5 (4) Rhaid i bennaeth ysgol berthnasol roi i awdurdod lleol unrhyw wybodaeth neu gymorth arall y mae'n rhesymol bod ar yr awdurdod lleol ei hangen neu ei angen er mwyn iddo gyflawni ei swyddogaethau o dan adran 14.

### 18 Talu costau teithio gan awdurdod lleol y mae plentyn yn derbyn gofal ganddo

10 (1) Mae'r adran hon yn gymwys pan fo awdurdod lleol ("awdurdod A") yn gwneud trefniadau teithio o dan adran 3 neu adran 4 ar gyfer plentyn sy'n derbyn gofal gan awdurdod lleol sy'n gyfrifol am ardal wahanol ("awdurdod B").

(2) Caiff awdurdod A alw ar i awdurdod B ad-dalu'r cyfan neu ran o'r gost o wneud trefniadau teithio.

(3) Rhaid i awdurdod B gydymffurfio â'r galw am ad-dalu.

### 15 19 Penderfynu ar breswylfa arferol mewn amgylchiadau arbennig

(1) Os nad oes gan berson breswylfa arferol, mae'r person hwnnw i'w drin at ddibenion y Mesur hwn fel pe bai'n preswyllo fel arfer yn y man lle y mae'n preswyllo am y tro.

(2) Mae is-adrannau (3) i (6) yn gymwys i blentyn neu berson ifanc sydd naill ai—

20 (a) yn ddisgybl cofrestredig mewn ysgol, neu

(b) wedi ymrestru yn fyfyrwr llawnamser mewn sefydliad yn y sector addysg bellach.

(3) Mae'r is-adran hon yn gymwys i blentyn neu berson ifanc—

(a) nad yw ei rieni'n cyd-fyw, a

25 (b) sy'n byw fel arfer gyda mwy nag un rhiant yn ystod y cyfnodau pan yw'r plentyn neu'r person ifanc yn cael addysg neu hyfforddiant.

(4) Mae'r is-adran hon yn gymwys i blentyn neu berson ifanc sy'n byw fel arfer gyda rhiant ac mewn cartref plant hefyd yn ystod y cyfnodau pan yw'r plentyn neu'r person ifanc yn cael addysg neu hyfforddiant.

30 (5) At ddibenion y Mesur hwn—

(a) mae plentyn neu berson ifanc y mae is-adran (3) yn gymwys iddo yn preswyllo fel arfer yn y manau lle y mae y naill o'i rieni a'r llall yn preswyllo fel arfer;

35 (b) mae plentyn neu berson ifanc y mae is-adran (4) yn gymwys iddo yn preswyllo fel arfer yn y cartref plant ac yn y man lle y mae ei riant yn preswyllo fel arfer.

(6) Ond os oes mwy na dau o'r cyfryw fannau, mae'r plentyn neu'r person ifanc yn preswyllo fel arfer yn y ddau fan sydd agosaf—

(a) at yr ysgol lle y mae'r plentyn neu'r person ifanc yn ddisgybl cofrestredig, neu



(b) at y sefydliad yn y sector addysg bellach lle y mae'r plentyn neu'r person ifanc wedi ymrestru'n fyfyrwr llawnamser.

(7) Yn yr adran hon—

(a) mae i “cartref plant” yr ystyr sydd i “children’s home” yn adran 1 o Ddeddf Safonau Gofal 2000 (p.14);

(b) ystyr “rhiant” yw rhiant o fewn yr ystyr sydd i “parent” yn adran 576(1) o Ddeddf Addysg 1996 ac sy'n unigolyn.

## 20 Diwygiadau i adran 444 o Ddeddf Addysg 1996

(1) Diwygir adran 444 o Ddeddf Addysg 1996 (mynychu'r ysgol) fel a ganlyn.

(2) Yn lle is-adran (4) rhodder—

“(4) The child is not to be taken to have failed to attend regularly at the school if the parent proves that the local authority have failed to discharge—

(a) a duty to make transport arrangements in relation to the child under section 3 of the Learner Travel (Wales) Measure 2008, or

(b) a duty to make travel arrangements in relation to the child under section 4 of that Measure.”

(3) Yn is-adran (5) yn lle “subsections (3D) and (4)” rhodder “subsection (3D)”.

## 21 Diwygiadau i Ddeddf Addysg 2002

(1) Diwygir Deddf Addysg 2002 fel a ganlyn.

(2) Diwygir adran 32 (pennu dyddiadau tymhorau a gwyliau ac amserau sesiynau ysgol) fel a ganlyn—

(a) yn is-adran (1)(b) o flaen “the governing body” mewnosoder “subject to subsections (5) to (9),”;

(b) yn is-adran (2)(b) o flaen “the times” mewnosoder “subject to subsections (5) to (9),”;

(c) ar ôl is-adran (4) mewnosoder—

“(5) Subsections (1)(b) and (2)(b) do not apply in relation to a school in Wales in the circumstances specified in subsection (6).

(6) The circumstances are—

(a) that the local education authority in whose area the school is situated have given notice in writing to the governing body of the school that the times of the school sessions are to be determined in accordance with subsection (8), and

(b) that the notice has not been withdrawn by the local education authority.

- (7) A local education authority must not issue a notice of the kind mentioned in subsection (6)(a) unless they consider a change in the times of the sessions of that school to be necessary or expedient in order to –
- 5 (a) promote the use of sustainable modes of travel within the meaning of section 11 of the Learner Travel (Wales) Measure 2008, or
- (b) improve the effectiveness or efficiency of travel arrangements made, or to be made, by the authority under that Measure.
- 10 (8) In relation to a school subject to a notice of the kind mentioned in subsection (6)(a) –
- (a) where there are two school sessions on the relevant school day –
- 15 (i) the local education authority must determine the time each day at which the first school session starts and the second school session ends, and
- (ii) the governing body must determine the time each day at which the first school session ends and the second school session starts;
- 20 (b) where there is one school session on the relevant school day the local education authority must determine the time each day at which the school session starts and ends.
- (9) The Welsh Ministers may make provision by regulations –
- 25 (a) as to the procedure to be followed where the local education authority propose to issue a notice of the kind mentioned in subsection (6)(a);
- (b) as to the matters to be included in such a notice;
- (c) as to the implementation of any determination under subsection (8);
- 30 (d) for enabling the local education authority to determine, for any purposes of the regulations, whether any person is to be treated as a parent of a registered pupil at the school.
- (10) In giving notice as described in subsection (6) and in discharging any function conferred by subsections (7) or (8) or by regulations under subsection (9), a local education authority must have regard to guidance given by the Welsh Ministers.”
- 35
- (3) Yn adran 210 (gorchmynion a rheoliadau) –
- (a) yn is-adran (1) yn lle “the National Assembly for Wales” rhodder “the Welsh Ministers”;
- 40 (b) ar ôl is-adran (6) mewnosoder –

“(6A) Any statutory instrument containing regulations made under section 32(9) by the Welsh Ministers is subject to annulment in pursuance of a resolution of the National Assembly for Wales.

(6B) Paragraphs 33 to 35 of Schedule 11 to the Government of Wales Act 2006 make provision about the National Assembly for Wales procedures that apply to any statutory instrument containing regulations or an order made in exercise of functions conferred upon the National Assembly for Wales by this Act that have been transferred to the Welsh Ministers by virtue of paragraph 30 of that Schedule.”;

(c) yn is-adran (7) –

(i) yn lle “the National Assembly for Wales” rhodder “the Welsh Ministers”,

(ii) yn lle “the Assembly thinks” ym mharagraff (c) rhodder “the Welsh Ministers think”.

## 22 Diwygiadau i adrannau 455 a 456 o Ddeddf Addysg 1996

(1) Diwygir Deddf Addysg 1996 fel a ganlyn.

(2) Yn adran 455 (taliadau a ganiateir) –

(a) ar ôl is-adran (1)(b) mewnosoder –

“(ba) travel arrangements provided under section 6 of the Learner Travel (Wales) Measure 2008 (“the Measure”) for a registered pupil at a maintained school in Wales, other than arrangements in respect of which, by virtue of section 454(3) of this Act or sections 3 or 4 of the Measure, no charge may be made,”;

(b) yn is-adran (1)(c) ar ôl “maintained school” mewnosoder “in England” a hepgorer “or 509(2)”;

(c) ar ddiwedd is-adran (2)(b) hepgorer “or”;

(d) ar ôl is-adran (2)(b) mewnosoder –

“(ba) by virtue of subsection (1)(ba) in respect of the provision for a pupil of travel arrangements, or”;

(e) yn is-adran (3) ar ôl “entry” mewnosoder “travel arrangements,”.

(3) Yn adran 456 (rheoleiddio taliadau a ganiateir), yn is-adran (3) ar ôl “A regulated charge” mewnosoder “, except any charge permitted by virtue of section 455(1)(ba),”.

## 23 Diwygiadau i Ddeddf Addysg ac Arolygiadau 2006

(1) Diwygir Deddf Addysg ac Arolygiadau 2006 fel a ganlyn.

(2) Yn adran 162 (pŵer i ddiddymu cyfeiriadau at “local education authority”), ar ôl is-adran (5) mewnosoder –

“(5A) The Welsh Ministers may by order make such provision as appears to them to be appropriate for the purpose of –

(a) repealing any reference in a Measure of the National Assembly for Wales to a local education authority (however expressed), and

(b) replacing it, where it appears to them to be appropriate, with a reference (however expressed) to a Welsh local authority.”

(3) Yn adran 181 –

(a) yn lle is-adran (1) rhodder –

“(1) Any power of the Secretary of State or the Welsh Ministers to make an order or regulations under this Act is exercisable by statutory instrument.”;

(b) yn is-adran (2) –

(i) yn lle “the Assembly”, y tro cyntaf y ceir yr ymadrodd hwnnw, rhodder “the Welsh Ministers”,

(ii) yn lle “the Assembly thinks” ym mharagraff (c) rhodder “the Welsh Ministers think”.

(4) Ar ôl adran 182 mewnosoder –

**“182A Assembly control of orders and regulations**

(1) Any statutory instrument containing an order made under section 162(5A) by the Welsh Ministers may not be made unless a draft of the instrument has been laid before, and approved by a resolution of, the Assembly.

(2) Paragraphs 33 to 35 of Schedule 11 to the Government of Wales Act 2006 make provision about the Assembly procedures that apply to any statutory instrument containing regulations or an order made in exercise of functions conferred upon the Assembly by this Act that have been transferred to the Welsh Ministers by virtue of paragraph 30 of that Schedule.”

*Cyffredinol*

**24 Dehongli cyffredinol**

(1) Yn y Mesur hwn –

nid yw “addysg” (“*education*”) yn cynnwys addysg uwch;

ystyr “addysg feithrin” (“*nursery education*”) yw addysg sy'n addas i blant sydd wedi cyrraedd dwyflwydd oed ond nad ydynt wedi cyrraedd oedran ysgol gorfodol;

mae i “anabledd” yr ystyr sydd i “disability” ac i “person anabl” yr ystyr sydd i “disabled person” yn adran 1 o Ddeddf Gwahaniaethu ar sail Anabledd 1995 (p.50);

ystyr "anhawster dysgu" (*"learning difficulty"*) mewn cysylltiad â pherson yw –

(a) anhawster i ddysgu sy'n sylweddol fwy nag sydd gan y mwyafrif o bersonau yr un oed, neu

5 (b) anabledd sydd naill ai'n atal y person hwnnw rhag defnyddio cyfleusterau o fath a ddarperir mewn manau perthnasol, neu sy'n ei lesteirio wrth iddo eu defnyddio,

10 ond ni ddylid cymryd bod gan berson anhawster dysgu dim ond oherwydd bod yr iaith (neu'r ffurf ar yr iaith) y dysgir y person drwyddi (yn awr neu yn y dyfodol) yn wahanol i iaith (neu ffurf ar iaith) sydd wedi ei siarad ar unrhyw adeg yng nghartref y person;

15 ystyr "awdurdod lleol" (*"local authority"*) yw awdurdod addysg lleol yng Nghymru; ond mewn unrhyw gyfeiriad at blentyn sy'n derbyn gofal gan awdurdod lleol ei ystyr yw cyngor sir neu gyngor bwrdeistref sirol yng Nghymru sy'n arfer swyddogaethau gwasanaethau cymdeithasol o fewn yr ystyr yn Neddf Gwasanaethau Cymdeithasol Awdurdodau Lleol 1970 (p.42);

ystyr "blwyddyn academaidd" (*"academic year"*) yw unrhyw gyfnod o 1 Awst i 31 Gorffennaf;

20 ystyr "profiad gwaith" (*"work experience"*) yw profiad gwaith a drefnir ar gyfer –

(a) un o ddisgyblion cofrestredig ysgol a gynhelir neu uned cyfeirio disgyblion, neu

(b) myfyriwr sydd wedi ymrestru mewn sefydliad o fewn y sector addysg bellach,

25 gan gorff llywodraethu'r sefydliad addysg perthnasol, neu ar ran y corff llywodraethu;

ystyr "rhagnodi" (*"prescribe"*) yw rhagnodi mewn rheoliadau;

ystyr "rheoliadau" (*"regulations"*) yw rheoliadau a wneir gan Weinidogion Cymru;

30 ystyr "ysgol a gynhelir" (*"maintained school"*) yw ysgol gymunedol, ysgol sefydledig neu ysgol wirfoddol, ysgol arbennig gymunedol neu ysgol arbennig sefydledig neu ysgol feithrin a gynhelir;

ystyr "ysgol arbennig nas cynhelir" (*"non-maintained special school"*) yw ysgol a gymeradwywyd o dan adran 342 o Ddeddf Addysg 1996.

35 (2) Mae i gyfeiriadau yn y Mesur hwn at blentyn sy'n derbyn gofal gan awdurdod lleol yr un ystyr ag sydd iddynt yn adran 22(1) o Ddeddf Plant 1989 (p.41).

(3) Yn ddarostyngedig i is-adran (4), mae Deddf Addysg 1996 a darpariaethau'r Mesur hwn i'w darllen fel pe bai'r darpariaethau hynny wedi eu cynnwys yn Neddf Addysg 1996.

40 (4) Os rhoddir i ymadrodd, at ddibenion unrhyw ddarpariaeth yn y Mesur hwn, ystyr sy'n wahanol i'r ystyr a roddir iddo at ddibenion Deddf Addysg 1996, yr ystyr a roddir iddo at ddibenion y ddarpariaeth honno sydd i fod yn gymwys yn lle'r ystyr a roddir at ddibenion y Ddeddf honno.

**25 Mân ddiwygiadau a diwygiadau canlyniadol**

Mae Atodlen 1 yn cynnwys mân ddiwygiadau a diwygiadau canlyniadol sy'n ymwneud â'r darpariaethau a wneir gan y Mesur hwn.

**26 Diddymiadau**

5 Diddymir y deddfiadau a bennir yn Atodlen 2 i'r graddau a bennir.

**27 Gorchmynion a rheoliadau**

- (1) Mae unrhyw bŵer sydd gan Weinidogion Cymru i wneud gorchymyn neu reoliadau o dan y Mesur hwn yn arferadwy drwy offeryn statudol.
- (2) Mae unrhyw bŵer sydd gan Weinidogion Cymru i wneud gorchymyn neu reoliadau o dan y Mesur hwn yn cynnwys pŵer –
- 10 (a) i wneud darpariaeth wahanol ar gyfer achosion neu ardaloedd gwahanol;
- (b) i wneud darpariaeth yn gyffredinol neu mewn perthynas ag achosion penodol;
- (c) i wneud y cyfryw ddarpariaeth gysylltiedig, atodol, trosiannol neu arbed ag y
- 15 gwêl Gweinidogion Cymru'n dda ei gwneud.
- (3) Mae pŵer Gweinidogion Cymru i wneud rheoliadau o dan adran 3(9), adran 7 neu adran 8 hefyd yn cynnwys pŵer i wneud y cyfryw ddarpariaeth ganlyniadol ag y gwêl Gweinidogion Cymru yn dda ei gwneud.
- (4) Caiff y ddarpariaeth gysylltiedig, atodol, trosiannol, arbed neu ganlyniadol sydd
- 20 i'w gwneud mewn gorchymyn neu reoliadau gynnwys y cyfryw ddarpariaeth ag sy'n diwygio neu'n diddymu unrhyw un o ddarpariaethau –
- (a) y Mesur hwn neu unrhyw un arall o Fesurau Cynulliad Cenedlaethol Cymru a basiwyd cyn y Mesur hwn neu yn yr un flwyddyn Cynulliad ag ef;
- (b) Deddf a basiwyd cyn pasio'r Mesur hwn;
- 25 (c) is-ddeddfwriaeth a wnaed cyn pasio'r Mesur hwn.
- (5) Mae unrhyw offeryn statudol sy'n cynnwys rheoliadau a wneir o dan y Mesur hwn yn ddarostyngedig i gael ei ddiddymu yn unol â phenderfyniad gan Gynulliad Cenedlaethol Cymru.
- (6) Nid yw is-adran (5) yn gymwys i reoliadau y mae is-adran (7) yn gymwys iddynt.
- 30 (7) Ni chaniateir i offeryn statudol gael ei wneud sy'n cynnwys (wrth eu hunain neu ynghyd â darpariaethau eraill) –
- (a) rheoliadau o dan adran 3(9),
- (b) rheoliadau o dan adran 7,
- (c) rheoliadau o dan adran 8, neu

(d) rheoliadau o dan is-adran (4) sy'n diwygio neu'n diddymu unrhyw un neu rai o ddarpariaethau Deddf neu Fesur Cynulliad,

onid oes drafft o'r offeryn wedi ei osod gerbron Cynulliad Cenedlaethol Cymru a'i gymeradwyo ganddo drwy benderfyniad.

5 **28 Cychwyn**

(1) Daw'r darpariaethau canlynol i rym ar ddiwedd cyfnod o ddeufis yn dechrau ar y diwrnod y cymeradwyir y Mesur hwn gan Ei Mawrhydi yn Ei Chyngor –

yr adran hon;

adran 27;

10 adran 29.

(2) Daw darpariaethau'r Mesur hwn sy'n weddill i rym yn unol â darpariaeth a wneir gan Weinidogion Cymru drwy orchymyn.

**29 Enw byr a chynnwys y Mesur yn y Deddfau Addysg**

(1) Enw'r Mesur hwn yw Mesur Teithio gan Ddysgwyr (Cymru) 2008.

15 (2) Mae'r Mesur hwn i'w gynnwys yn y rhestr o Ddeddfau Addysg a geir yn adran 578 o Ddeddf Addysg 1996.

ATODLEN 1  
(a gyflwynir gan adran 25)

MÂN DDIWYGIADAU A DIWYGIADAU CANLYNIADOL

*Deddf Cerbydau Cyhoeddus i Deithwyr 1981 (p.14)*

- 5 1 Yn adran 46 o Ddeddf Cerbydau Cyhoeddus i Deithwyr 1981 (teithwyr sy'n talu pris tocyn ar fysiau ysgol), yn is-adran (3), yn y diffiniad o "free school transport" –
- (a) ym mharagraff (a) hepgorer "section 509(1) or (1A)";
  - (b) hepgorer "or" ar ddiwedd paragraff (aa);
  - (c) ar ôl paragraff (aa) mewnosoder –
- 10 "(ab) in pursuance of arrangements under sections 3 or 4 of the Learner Travel (Wales) Measure 2008, or".

*Deddf Trafnidiaeth 1985 (p.67)*

- 2 (1) Diwygir adran 6 o Ddeddf Trafnidiaeth 1985 (cofrestru gwasanaethau lleol) fel a ganlyn.
- 15 (2) Yn is-adran (1B) –
- (a) hepgorer "section 509(1) or (1A)," ym mharagraff (a);
  - (b) hepgorer "or" ar ddiwedd paragraff (b);
  - (c) ar ôl paragraff (c) mewnosoder –
- 20 "(d) the obligation placed on a local authority by sections 3 or 4 of the Learner Travel (Wales) Measure 2008; or
- (e) the exercise of the power of a local authority under section 6 of that Measure."
- (3) Yn is-adran (1C)(a), yn lle "or (c)" rhodder ",(c), (d) or (e)".

*Deddf Addysg Bellach ac Addysg Uwch 1992 (p.13)*

- 25 3 (1) Diwygir adran 57 o Ddeddf Addysg Bellach ac Addysg Uwch 1992 fel a ganlyn.
- (2) Yn is-adran (2)(b) ar ôl "any Act" mewnosoder "or any Measure of the National Assembly for Wales".
  - (3) Yn is-adran (2)(c) ar ôl "any Act" mewnosoder "or any Measure of the National Assembly for Wales".

30 *Deddf Addysg 1996 (p.56)*

- 4 (1) Diwygir Deddf Addysg 1996 fel a ganlyn.
- (2) Yn adran 509AA (darparu cludiant ar gyfer personau o oedran chweched dosbarth) –
- (a) yn is-adran (1) ar ôl "authority" mewnosoder "in England";
  - 35 (b) yn is-adran (2)(d) hepgorer "or the National Assembly for Wales";



- (c) yn is-adran (9) yn lle “appropriate authority may, if it” rhodder “Secretary of State may, if he”;
- (d) hepgorer is-adran (9A);
- 5 (e) yn is-adran (10) hepgorer y geiriau “(in relation to local education authorities in England) or the National Assembly for Wales (in relation to local education authorities in Wales)”.
- (3) Yn adran 509AB (darpariaeth bellach ynghylch datganiadau polisi cludiant) –
- (a) hepgorer is-adran (4);
- 10 (b) yn is-adran (5), yn lle’r geiriau o “under this section” i’r diwedd rhodder “under this section by the Learning and Skills Council for England.”;
- (c) yn is-adran (6) –
- (i) ym mharagraff (c) hepgorer “(in the case of a local education authority in England)”;
- 15 (ii) ym mharagraff (d) hepgorer y geiriau ar ôl “England” i ddiwedd y paragraff hwnnw y tro cyntaf y mae’r gair hwnnw’n ymddangos.
- (4) Yn adran 509AC (dehongli adrannau 509AA a 509AB) –
- (a) hepgorer is-adran (3);
- (b) yn is-adran (6) hepgorer y geiriau ar ôl “subsection (5)” i ddiwedd yr is-adran honno;
- 20 (c) hepgorer is-adran (7).
- (5) Yn adran 509A (trefniadau teithio i blant sy’n cael addysg blynyddoedd cynnar ac eithrio mewn ysgol) yn is-adran (5)(b) yn lle “nursery education” rhodder “education suitable for children who have not attained the age of two”.

ATODLEN 2  
(cyflwynir gan adran 26 )

DIDDYMIADAU

	<i>Enw byr a phennod</i>	<i>Graddau'r diddymiad</i>
5	Deddf Cerbydau Cyhoeddus i Deithwyr 1981 (p.14)	Yn adran 46(3)(a) y geiriau "section 509(1) or (1A)".
	Deddf Trafnidiaeth 1985 (p.67)	Yn adran 6(1B) y geiriau "section 509(1) or (1A)" ym mharagraff (a) a'r gair "or" ym mharagraff (b).
10	Deddf Addysg 1996 (p.56)	Yn adran 444(5) y geiriau "and (4)".  Yn adran 455, yn is-adran (1)(c) y geiriau "or 509(2)" ac yn is-adran (2)(b) "or" ar ddiwedd yr is-adran.  Adran 509.
15		Yn adran 509AA, yn is-adran (2)(d) y geiriau "or the National Assembly for Wales", is-adran 9A, ac yn is-adran (10) y geiriau "(in relation to local education authorities in England) or the National Assembly for Wales (in relation to local education authorities in Wales)".
20		Yn adran 509AB, is-adran (4), yn is-adran (6)(c) y geiriau "(in the case of a local education authority in England)", yn is-adran (6)(d) y geiriau ar ôl "England" i ddiwedd yr is-adran honno y tro cyntaf y mae'r gair hwnnw'n ymddangos.
25		Yn adran 509AC is-adran (3), yn is-adran (6) y geiriau ar ôl "subsection (5)" i ddiwedd yr is-adran, is-adran (7).
30		

	Deddf Safonau a Fframwaith Ysgolion 1998 (p.31)	Atodlen 30, paragraff 133.
	Deddf Dysgu a Medrau 2000 (p.21)	Atodlen 9, paragraff 59.
5	Deddf Addysg 2002 (p.32)	Atodlen 19, paragraff 2. Atodlen 21, paragraff 51.
10	Deddf Addysg ac Arolygiadau 2006 (p.40)	Adran 83, is-adran (1), yn is-adran (2) y geiriau ar ôl "England" i ddiwedd yr is-adran honno y tro cyntaf y mae'r gair yn ymddangos, ac is-adran (3). Atodlen 10, paragraffau 4 a 5(b).